

SÎRÎRÎ KAARETA PAULO NÎMENUKA'PÎ GALÁCIA PONKON PIA

Sîrîrî kaareta menuka'pî Pauloya moropai innape Jesus ku'nenan Galácia poronkon pia yarima'pîiya. Mîîkîrî Paulo wanî'pî Jesus naipontî'san yonpa pe. Inkamoro pia Paulo wîtîsa' wanî'pî itekare ekareme'se. Morî pe yapîsî'pî to'ya moropai innape ikupî'pî to'ya. Mîrîrî tîpo Paulo wîtî'pî to' piapai. Moropai tîîko'mamî tîpo, to' yekare eta'pîiya, î' kai'ma tiaronkon erepamî'pî inkamoro pia amenan yekare ekareme'se. Taapî'tî'pî to'ya, e'mai'pe to' neta'pî Paulo winîpai wanî'pî morî pe teuren tîise mîî pikîrî neken. Inî' panpî' itu'se awanî. Judeuyamî' yeseru kupî to'ya e'pai awanî, ta'pî to'ya. Circumcisado pe e'pai to' wanî Paapaya inkamoro yapî'to'pe tînmuku pe, ta'pî to'ya.

Moropai inî' ta'pî to'ya, Pauloya to' yenupato' wanî pepîn Paapa maimu pe maasa pra Paapa winîpainon pepîn mîrîrî. Pemonkonyamî' winîpainon mîrîrî Paulo nekaremekî'pî, ta'pî to'ya. Mîrîrî warantî inkamoro yenupa'pî to'ya. Mîrîrî ye'nen sîrîrî kaareta yarima'pî Pauloya inkamoro esenku'tî namai. Moropai to' yenupa'pîiya î' kai'ma yairî to' ko'manto'pe.

Umaimu Man Aapia'nîkon

1 Uurî Pauloya sîrîrî kaareta menuka aapia'nîkon. Uurî wanî imenkasa' pe, yaipontîsa' pe, anî'rî pemonkon nîmenka'pî pe pra, tîise Jesus Cristo nîmenka'pî pe wanî. Moropai Paapa, itun nîmenka'pî pe wanî, manni' Paapa, isa'manta'san kore'tapai Jesus pîmî'sa'ka'tîpon. ²Tauya tamî'nawîronkon uyonpakon, tarî uupia to' wanî manni'kanya tîmaimukon yarima pî' man amîrî'nîkon Galácia soosîrîkon tawonkon pia. ³Morî epe'mîra tîntîrî tîrî Paapaya yu'se wai aapia'nîkon. Moropai tîwanmîra tîwe'to' tîrî Uyunkonya moropai Uyepotorîkon Jesus Cristoya itîrî yu'se wai aapia'nîkon. ⁴Mîîkîrî Cristo eturumaka'pî tîîsa'mantapa kai'ma, uurî'nîkon pîika'tîpa umakuyikon winîpai. Mannankan sîrîrî pata po tîîko'mansenon pemonkonyamî' imakui'san warantî e'nî namai, uurî'nîkon mo'kapa kai'ma aasa'manta'pî. Î' kai'ma itu'se Paapa, uyunkon e'to' yawîrî ikupî'pîiya. ⁵Jesus nîkupî'pî wenai, —Morî

pe pu'kuru man, Paapa —taapai'níkon man tîwîrî rî. Mîrîrî warantî taapai'níkon.

Tiwinan Itekare Yairon

⁶Mararî pra esenumenkan pî' wai teesewankono'mai uyewan ya'. Maasa pra manni' amîrî'níkon yannotîpon morî pe, epe'mîn ke, mîîkîrî rumakasa'ya'níkon tiwinarî. Moropai mîîkîrî tîrumakai tiaronkon nekaremekî yapi'sa'ya'níkon. ⁷Tîise tiaron Cristo yekare ye'ka ton pra man. Mîrîrî pî' eseurîma, maasa pra mîrîrî kai'ma amîrî'níkon yaka'manenán moro to' man. Inkamoro eseurîma ko'mannîpî akore'ta'níkon. Yairon Cristo yekare miakanma yu'se to' ko'mamî. ⁸Tîise anî'ya mîrîrî ye'ka miakanma ya, annaya, mîîwîni pra awanî ya, inserî ka' poinonya ekaremekî ya tiaron pe, anna nekaremekî'pî warantî pra, mîîkîrî e'taruma'tî apo' ya' yu'se wai. ⁹Sîrîrî pî' pena anna eseurîma'pî. Inî'rî tauya sîrîrî. Anî'ya tiaron pe itekare ekaremekî ya, î' yapi'sa'ya'níkon warantî pra, ipatîkarî mîîkîrî e'taruma'tî apo' ya' yu'se wai.

¹⁰Sîrîrî warantî eseurîma ya, pemonkonyamî' yapurîuya sîrîrî? Kaane, tiwin kin mîrîrî pî' pra! Tîise Paapa yapurîuya pe eseurîmato' yu'se wanî sîrîrî. Pemonkonyamî' yapurîuya pe eseurîma ya, morî pe upî' to' eseurîmato'pe, moriya Cristo poitîrî pe wanî pepîn e'painon.

Î' Kai'ma Yaipontîsa' Pe Tîwanî Pî' Paulo Eneurîma

¹¹Uyonpayamî', tauya sîrîrî apî'níkon. Sîrîrî Cristo yekare ekaremekîuya manni', mîrîrî wanî pepîn tiwin kin pemonkon esenumenkato'. ¹²Tiwin kin anî' winîpai moropai anî'ya uyenuyepa' pra man. Tîise Jesus Cristo winîpai neken eta'pîuya. Moropai mîîkîrîya yenpo'pî uupia, mîrîrî ekareme'to'peuya kai'ma.

¹³Pena î' kai'ma uuko'manpî'tî'pî yekare epu'tî'pîya'níkon, anna Judeuyamî' yeseru ya' uuko'manpî'tî yai. Moropai î' kai'ma Cristo yapurînenan taruma'tîpî'tî'pîuya mararî pra îri pe to' winîkîi. Moropai tamî'nawîron anku'pai e'to' ku'pî'tî'pîuya to' winîkîi, to' tî'kato'peuya. ¹⁴Uurî e'pî'tî'pî tamî'nawîron Judeuyamî' yeseru yawîron pe, tiaronkon uyonpayamî' yentai. Moropai î' kai'ma tamî'nawîrî yawîrî ikupîuya yuwapî'tî'pîuya, î' kai'ma utamorî'san yeserurî'pî.

¹⁵Tîise morî pe tîwe'to' wenai Paapaya umenka'pî pena, maasa esenpo pra tîise usan ro'ta yapai. Moropai uyanno'pîiya î' kai'ma tîmîrî ton pe e'to'pe. ¹⁶Moropai î' pensa sîrîrî anekareme'pai Paapa wanî yai upî' tînmu yenpo'pîiya. Ta'pîiya tekare ekaremekîuya yu'se tîwanî mannankan Judeuyamî' pepîn pî'. Mîrîrî etasau'ya pata pai, anî' winîpai upanamanen ton yuwasau'ya pra wai. ¹⁷Moropai Jerusalém pona uutîsa' pra wai mannankan taipontîsanon pe, inmenkasa'kon pia, manni'kan urawîrî tîwe'sanon. Inkamoro pia uutîsa' pra wai upanamato'pe to'ya.

Tîise uutí'pí Arábia pata ya' keren pona. Miarí uuko'mamí'pí. Moropai mîrîrî típo, enna'po'pí Damasco cidaderí pona. ¹⁸Miarí uuko'mamí'pí eseuríwî'ne kono' kaisarí. Mîrîrî típo, uutí tu'ka'pí Jerusalém pona, Pedro anepu'pai waní ye'nen. Moropai miarí uuko'mamí'pí asakí'ne domingo kaisarí. ¹⁹Moropai mîrîrî yai, tiaronkon Jesus naipontí'san era'masau'ya pra wai, tîise Tiago neken, manni' Uyepotorí yakon era'ma'píuya.

²⁰Mîrîrî warantí awaní'pí, useruku pepín. Sírîrî menukauya sîrîrî, Paapaya epu'tí tanne, í' kai'ma yairí eseuríma sîrîrî. ²¹Moropai mîrîrî típo, uutí'pí Síria pata poro moropai Cilícia pata poro. ²²Mîrîrî yai, uurí asarí tanne, Judéia soosirí tawonkonya uyepu'tí pra awaní'pí. ²³Eta pe neken uyekare eta'pí to'ya, tiaronkon eseuríma pí'. Taapítí'pí to'ya: —Tarípai manni' uurí'níkon taruma'típítítíponya innape iku'sa' tûuya ekareme'pítí'pí man, manni' uurí'níkonya innape iku'to' anaretí'kapai e'pítí'pí ya —taapítí'pí to'ya. ²⁴Moropai uwenai inkamoroya taa pí' man Paapa pí': —Morí pe nai, Paapa. Kure'nan amírí, mîíkirí anna taruma'títípon píika'tísa'ya nai —kai'ma Paapa yapurí'pí to'ya.

Paulo Moropai Tiaronkon Jesus Naipontí'san Eporí Tu'ka Pauloya

2 ¹Asakírîrî pu' pona tîimo'tai (14) kono' uuko'mamí típo, enna'po tu'ka'pí Jerusalém pona Barnabé yarakkírî. Moropai Tito nîrî yarí'píuya uyarakkírî. ²Miarí ya uutí'pí, maasa pra Paapaya ekaremekí'pí upí' miarí ya uutíto'pe. Miarí erepansa' yai, anna emurukuntí'pí manni'kan soosi esanon neken pokonpe. Anna emurukuntí'pí anna eseurímato'pe iponarí. Mîrîrî yai to' pí' Cristo yekare ekaremekí'píuya tamí'nawírî manni' Judeuyamí' pepín pí'. Í' kai'ma unekaremekí ko'manní'pí ekaremekí'píuya. Maasa pra mîrîrî esenyaka'manto' waní yu'se pra awaní'pí í' pe pra rí. Tîise inna, mîrîrî warantí ikupí pí' ako'mankí, taa to'ya yu'se awaní'pí. ³Mîrîrî eta tûuya'níkon ya, eta'pí to'ya morí pe, innape ikupí'pí to'ya. Mîrîrî ye'nen uwaníyakon Tito, Judeu pepín tîise Grego, mîíkirí ena e'pai man Judeu yeseru ya', taa to'ya pra awaní'pí. ⁴Tîise tiaronkon waní'pí moro, innape Jesus ku'nenan pe tîwe'ku'sanon moropai inkamoro emurukuntísa' waní'pí anna pokonpe. Tîise inkamoroya taa ko'manní'pí Tito ena e'pai man Judeuyamí' yeseru ya'. Inkamoro warayo'kon ewonsa' waní'pí ama' pe anna yako'menka'konpa kai'ma. Í' kai'ma ikupí annaya anera'mapai tîwaníkon ye'nen, Jesus yarakkírî anna e'to' wenai. Inkamoro waní'pí í' kai'ma Moisés nurí'tíya yenupanto' yawírí anna waní yu'se. Tîise Cristo pemonkono pe e'ní ye'nen, unkupíkon ton Moisés nurí'tí nekaremekí'pí kupí pepín. ⁵Mîrîrî ye'nen mîrîrî pí' inna, mîrîrî yawírí ku'pai'níkon man, taasa' annaya pra man. Maasa pra yairon Cristo yekare, manni' aneta'píkon ko'manto'pe aapia'níkon, tiaron pe miakanma aní'ya namai.

⁶Tîise manni'kan soosi esa' pe tîwe'sanon, uyentainokon pe ankupí'sanya upanamasa' pra man, amenan esenumenkato' ke. (Tîise

uurí pia aní' waní pepín tiaron yentai tíise Paapaya ukupí'píkon se' kaisarí e'níto'pe'níkon.) ⁷Tíise inkamoroya í' kai'ma Paapaya esenyaka'mato' ton tíisa' era'ma'pí, Jesus Cristo yekare ekaremekí pí' manni'kan Judeuyamí' pepín pí'. Í' kai'ma Paapaya Pedro kupí'pí Judeuyamí' pí' itekare ekareme'to'peiya warantí. ⁸Maasa pra Paapa esenyaka'ma manni' warantí Pedro yarakkírí Judeuyamí' pí' itekare ekaremekí pí'. Mírírí warantí nírí uurí wenai Paapa esenyaka'ma Judeuyamí' pepín pí' itekare ekareme'to'peuya. ⁹Mírírí ye'nen Tiagoya moropai Pedroya moropai Joãoya manni'kan soosi esa' pe tíwe'sananya epu'tí'pí, í' kai'ma Paapa níkupí'pí pe awaní. Moropai inkamoroya tenyakon tírípí'pí uurí pia moropai Barnabé pia. Mírírí ye'nen inna ta'pí annaya í' kai'ma Judeu pepín kore'ta anna esenyaka'ma pí', moropai inkamoro esenyaka'ma tanne Judeuyamí' kore'ta. ¹⁰Tíise esatí'pí inkamoroya anna pí', anna wanmíra manni'kan í' ton pínon sa'ne, to' kore'tawonkon kupí annaya namai. Tíise mírírí kupí yuwa pí' uuko'mamí sírírí, uuwanmíra ikupíuya pra itu'se waní ye'nen.

**Paulo Eseuríma Pedro Pí' Meruntí Ke
Antioquia Cidaderí Po**

¹¹Antioquia cidaderí po uuko'mamí tanne, Pedro erepamí'pí miarí ya. Mííkírí pí' eseuríma'pí meruntí ke, tamí'nawíronkon rawírí si'ma. Maasa pra iteseru waní'pí yairí pra. ¹²Pena iteseru waní'pí see warantí. Maasa inkamoro Tiago narima'san erepamí pra tíise, Pedroya tekkari yonpapítí'pí manni'kan innape Jesus ku'nenan pokonpe, Judeuyamí' pepín pokonpe, Judeuyamí' yeseru yawírí pra. Tíise inkamoro warayo'kon erepamí'pí pata pai iní'rí tekkari anonpapai pra eena'pí Judeuyamí' pepín pokonpe. Maasa pra eranne' pe eena'pí inkamoro warayo'kon Jerusalém poi iipí'san pí', to' yeseru anku'pai tíwaní ye'nen. Judeuyamí' yeseru yawírí innape Jesus ku'nenan ko'mamí e'pai awaní, taa to'ya. Mírírí ye'nen iní'rí Judeuyamí' pepín pínamaiya pra eena'pí. ¹³Moropai tiaronkon Judeuyamí' innape Jesus ku'nenan e'menka'pí Pedro pokonpe tíwaníkonpa Judeuyamí' pepín pokonpe tekkarikon anonpapai pra. Moropai Barnabé ena'pí to' warantí nírí aní' pínamaiya pra. Eranne' pe eena'pí iní'rí yairon anku'pai pra.

¹⁴Mírírí era'mauya yai, epu'tí'píuya yairí pra awaní. Cristo yekare nekareme'to' yawírí pra awaní. Mírírí ye'nen ta'píuya Pedro pí' tamí'nawíronkon rawírí si'ma. —A'kí, Judeu pe pu'kuru awaní, tíise aako'mamí pepín Judeuyamí' yeseru yawírí. Ayekkari yonpapítí'píya Judeuyamí' pepín pokonpe to' warantí. Tíise “Taatarimai to' piapai”, taaya, “Judeuyamí' yeseru kupíya'níkon e'pai man”, taaya to' pí', to' piapai taatarimai. Tíise mírírí waní pepín yairí —ta'píuya ipí'.

**Judeuyamí' Moropai Judeuyamí' Pepín
E'píika'tí Innape Ikupí To'ya Wenai**

¹⁵Ta'píuya Pedro pí': —Uurí'níkon waní Judeuyamí' pe esenpo'san pe. Manni'kan imakui'san, Moisés nurí'tíya yenupanto' yawírí pra tíwe'sanon, Judeuyamí' pepín pe esenpo'san pe pra e'ní. ¹⁶Tíise epu'tí, uurí'níkon innape Jesus ku'nenanya pemonkon yapísí Paapaya pepín Moisés nurí'tíya yenupanto'rí'pí konekaiya wenai, tíise innape Jesus Cristo ku'toi'ya wenai yapísíya morí pe. Mírírí ye'nen Judeuyamí' pepín warantí uurí'níkon nírí yapísí Paapaya innape Jesus Cristo ku'sa' wenai, mírírí Moisésya yenupanto' rí'pí koneka wenai pra. Maasa pra aní' kupí Paapaya pepín morí pe Moisésya yenupanto' rí'pí kupíya wenai.

¹⁷Judeuyamí' esenumenka see warantí, í' pensa morí pe ukupíkon Paapaya yuwa ya, innape Jesus Cristo kupí wenai, uurí'níkon waní imakui'san pe Judeuyamí' pepín warantí. Imakui'pí pe e'ní, maasa pra Moisésya yenupanto' rí'pí yawírí pra ko'manní wenai. To' esenumenka mírírí warantí, tíise to' esenku'tísa' man. Maasa pra Cristoya imakui'pí pe e'kí, Paapa maimu yawírí pra e'kí taasa' pra man. ¹⁸Manni' pena esuwa'ka'pí ku'se enna'po eseríke pra man. Mírírí ye'nen taa eseríke pra man, Moisés nurí'tíya yenupanto' rí'pí yawírí e'nípai'níkon. Maasa pra mírírí ta'níkon ya, imakui'pí pe rí ko'manní, mírírí yawírí ko'manní eseríke pra man. ¹⁹Tarípai uurí, mírírí Moisés nurí'tíya yenupanto' winíki iní' í' ton pra wai. Manni' isa'manta'pí warantí waní sírírí iwíniki. Tarípai enen esepu'tí sírírí Paapa winíki neken. Uurí sa'manta'pí Cristo yarakkírí pakí'nan po aasa'manta yai. Maasa pra morí pe uurí'níkon yapísí Paapaya pepín, mírírí Moisés nurí'tíya yenupanto' yawírí ko'manní wenai. ²⁰Mírírí ye'nen uuwarírí uuko'mamí pepín enen, tíise manni' Cristo enenan ko'mamí sírírí uyarakkírí. Moropai sírírí uuko'mamí manni' innape Paapa munmu kupíuya ye'ka pe. Manni' usa'namatípon moropai uurí ton pe tíiwarírí eturumaka'pí tíisa'mantapa. ²¹Morí pe uku'to' Paapaya kupí pí' wai innape. Maasa pra Moisés nurí'tíya yenupanto' kupí wenai morí pe Paapaya uurí'níkon yapísí ya, moriya í' pe pra rí Cristo sa'manta'pí kupí mírírí.

**Morí Yekaton Wanní Iipí
Innape Jesus Kupí Wenai Uyewankon Ya'**

3 ¹Tarípai eseuríma etatí Galácia ponkon. Pakkokon amírí'níkon. Aní'ya amírí'níkon ma'tanípí'pí mító'pe mírírí warantí awaníkonpa. Maasa pra pena amírí'níkonnya unekaremekí'pí epu'tí'pí aronne, í' kai'ma pakí'nan po Jesus Cristo sa'manta'pí yekare epu'tí'píya'níkon. ²Tarípai ayekaranmapouya'níkon sírírí, Paapa winípainon Morí Yekaton Wanní yapísí'píya'níkon Moisés yenupanto' rí'pí kupíya'níkon wenai? Innape Jesus Cristo yekare kupíya'níkon wenai ka'rí? Tarípai umaimu yu'tí. ³Yapísí'píya'níkon innape Jesus kupíya'níkon wenai. Tíise í' ton pe Moisésya ayenupa'píkon yawírí anku'pai awaníkon mírírí?

Aawarírí'níkon morí pe e'pai awaníkon? ⁴Innape Jesus kupí'píya'níkon patapai, tamí'nawíron í' e'kupí'pí ayarakkírí'níkon, amoronkon, aatausinpató'kon, mírírí kupí pí' naatí í' pe pra rí? Í' pe pra awe'sa' pra man. ⁵Paapaya Morí Yekaton Wanní tíri aapia'níkon, moropai aní' níkupí pepín kupí ya akore'ta'níkon, mírírí Moisésya yenupanto' rí'pí kupíya'níkon wenai? Mírírí wenai pra, tíise Cristo yekare etaya'níkon wenai, innape ikupí'píya'níkon wenai.

⁶Mírírí warantí Abraão nurí'tí waní'pí. Paapa maimu e'menukasa'ya taasa' man:

—Míikíríya innape Paapa maimu kupí'pí moropai innape tíkupíya wenai,

Paapaya yapisí'pí yairí pu'kuru iku'sa' tíuya ye'nen

Gn 15.6

—taasai'ya man. ⁷Mírírí ye'nen epu'tí man, yaironkon pe e'ní Abraão nurí'tí payanní'san pe pu'kuru, innape ikupí ye'nen. ⁸Pena Paapa maimuya ta'pí í' kai'ma Judeuyamí' pepín kupí tíuya yairon pe. Mírírí ekaremekí'píya e'mai' pe Abraão pí'. Ta'píya see warantí:

—Amírí wenai tamí'nawíron pata ponkon pemonkonyamí' ton pe morí kupíuya pe wai

Gn 12.3; 18.18; 22.18

—ta'píya. ⁹Mírírí ye'nen mírírí yawírí awaní. Abraão nurí'tí, manni' innape tíku'sa' Paapaya warantí tamí'nawíronkon innape tíku'nenan kupíya, morí pe Abraão kupí'pí tíuya warantí.

¹⁰Manni'kan Moisésya yenupanto' rí'pí yawírí tíiko'mansenon taruma'tí Paapaya pe man. Maasa pra imaimu menukasa'ya taasa' man:

—Tamí'nawíronkon yawírí pra tíiko'mansenon tíwírí manni' awe'menukasa' ya' manni' tíwe'sanon, inkamoro ye'ka taruma'tíuya pe man

Dt 27.26

—taasai'ya man. [Epu'tí man, tamí'nawíronkon waní imaimu yawírí pra.]

¹¹Inna, seru' pepín, aní' kupí Paapaya pepín yairon pe, mírírí Moisésya yenupanto' rí'pí kupíya wenai. Maasa pra imaimu e'menukasa'ya taasa' man:

—Paapa pia morí pe tíwe'sen ko'mamí e'pai man innape ikupí tíuya wenai

Hc 2.4

—taasai'ya man. ¹²Tíise Moisésya yenupanto' rí'píya taa pepín tiwin kin.

—Innape Jesus ku'tí yairon pe awaníkonpa —taiya pepín. Tíise taiya:

—Seeni' konekakí, seeni' kí'kupí

—taiya.

—Mírírí yawírí tíwe'sen ko'mamí pe man morí pe

Lv 18.5

—taasai'ya man.

¹³Mírîrî warantî uurî'nîkon wanî'pî Paapa nîtaruma'tîkon pe teuren tíise upata'se' ya' Cristoya imo'ka'pî típona uurî'nîkon píika'típa kai'ma, uye'ma'píi'ya'nîkon pakî'nán pona tísa'manta yai. Í' kai'ma Paapa e'menukasa'ya taasa' man:

—Tamî'nawíronkon manni'kan imakui'san yei pí' e'weyokka'san wanî Paapa nîtaruma'tîkon pe

Dt 21.23

—taasai'ya man. ¹⁴Mírîrî e'kupî'pî í' kai'ma morî kupî tíuya ta'pî Paapaya Abraão pí' e'ku'to'pe mîkîrî Jesus Cristo wenai manni'kan Judeuyamî' pepîn ton pe. Moropai uurî'nîkon tamî'nawíronkonya innape ikupî wenai Paapaya itírîuya ta'pî Morî Yekaton Wannî yapí'to'pe awe'kupî'pî.

Í' Ta'pî Tíuya Kupî Paapaya Abraão Yarakkîrî

¹⁵Uyonpayamî' anepu'tîkon ton ekaremekúuya sírîrî í' kai'ma ko'mannî yekare. A'kí, í' pensa asakî'nankon pemonkonyamî' yai to' eseta.

Teeseurîma'pîkon kupî to'ya í' kai'ma ta'pî tíuya'nîkon yawîrî. Aní'ya í' kai'ma ta'pî tíuya miakanma eserîke pra awanî tiaron pe í' ta'pî tíuya.

¹⁶Mírîrî warantî Paapaya tímaimu tírî'pî Abraão nurí'tí pia moropai ipa rî'pî pia. Paapa maimu e'menukasa'ya taasa' tu'kankon pemonkonyamî' iparî'san pí' pra taasai'ya man. Tíise tiwinan pí' neken, iparî'pî Cristo pí' eeseurîma'pî. ¹⁷Í' ankapai uurî e'to' pí' tauya sírîrî. Paapaya esetanto' ton kupî'pî moropai mîrîrî yawîrî ikupî tíuya ta'píi'ya. Mírîrî típo 430 kono' esuwa'kasa' típo, Paapaya unkupîkon ton tírî'pî Moisés nurí'tí pia. Mírîrî wenai iní'rî kupíuya pepîn í' ta'píuya Abraão yarakkîrî taiya pra awanî'pî. Mírîrî ye'nen tíwî ikupî'píi'ya taa eserîke pra man. ¹⁸Maasa pra uurî'nîkon yapísî Paapaya pepîn Moisésya yenupanto' yawîrî ko'mannî wenai. Mírîrî yawîrî awanî ya moriya í' ta'pî tíuya Abraão nurí'tí pí' tímaimu kupíi'ya pepîn e'painon. Tíise epe'míra Paapaya itírî'pî Abraão pia, ta'pî tíuya ye'nen.

¹⁹Mírîrî wenai uurî'nîkon yapísî ye'ka pe pra, tíise í' ton pe mîrîrî Moisésya yenupanto' ton tírî'pî Paapaya? Mírîrî tírî'píi'ya í' kai'ma Paapa e'to' itu'se yawîrî pra e'nî epu'típa kai'ma itírî'píi'ya. Tíise ipatîkarî aako'manto'pe pra, aako'manto'pe manni' Abraão parî'pî, ipî' Paapa eseurîma'pî, manni' erepamî'pîkîrî. Mírîrîya í' pensa Moisés nurí'tí pia tímaimu tíisai'ya ya, Paapaya itírî'pî tímîrî ton pe teeseurîmasanon inseriyamî' wenai. ²⁰Tíise Abraão nurí'tí yarakkîrî Paapa eseta yai, tímîrî pe eeseurîma'pî yarakkîrî, aní' tiaron wenai pra. «Mírîrî ye'nen ipíkku pe panpî' Paapa esetato' wanî Abraão nurí'tí yarakkîrî, Moisés pia intírî'pî yentai.»

**Moisésya Yenupanto' Wani
Imakui'pí Pe E'nító' Epu'to'pe**

²¹Mírîrí ye'nen î' kai'ma esenumenkan mîrîrí pí'? Innape Moisés nurî'tî pia Paapa nîtrî'pí wanî, innape Abraão nurî'tî yarakkîrí Paapa esetato' wanî warantî? Inna, sa'nîrí to' wanî innape. Maasa pra Moisés nurî'tîya yenupanto' yawîrí tîko'mansenonya Paapa winîpai tîko'manto' ton yapísî e'painon, teuren tîise yapísî to'ya pepîn, maasa pra Paapa maimu yawîrí to' wanî pepîn tiwin kin. ²²Mírîrí warantî Paapa maimu e'menukasa'ya taasa' imakui'pí ku'sa' tîuya'nîkon ye'nen, tamî'nawîronkon yentai imakui'pí enasa' mîrîrí wenai. Mîrîrí ye'nen manni'kanya neken innape Jesus Cristo ku'nenanya tîwe'pîika'tîto'kon yapísî, ikupî tîuya ta'pí Paapaya yawîrí.

²³Tîise maasa Cristo erepamî pra tîise, pena Moisésya yenupanto' rî'pîya uurî'nîkon pîika'tî'pî, î' kai'ma ko'mannîto'pe ekaremekî'pîiya. Mîrîrí Moisésya yenupanto' rî'pí wanî'pí uurî'nîkon yenupato'pe awanî'pí, Cristo erepamî pîkîrí sîrîrí non pona. ²⁴Tîise Cristo erepansa' ye'nen, epu'tî man, innape ikupî wenai, yairon pe Paapaya uurî'nîkon yapísî, Moisés nurî'tîya yenupanto' yawîrí ko'mannî wenai pra. ²⁵Tarîpai eerepansa' man. Mîrîrí ye'nen inîrî Moisésya yenupanto' rî'pí wanî pepîn uyenupanenkon pe, maasa pra innape Cristo kupî ye'nen.

²⁶Maasa pra innape ikupîya'nîkon wenai tamî'nawîrí amîrî'nîkon wanî Paapa munkîyamî' pe manni' Jesus Cristo yarakkîrí tîko'mansenon pe awanîkon. ²⁷Î' pensa amîrî'nîkon esenpatakona yai ta'pîya'nîkon: —Tarîpai uurî Paapa pemonkono, penaro' uyeserurî'pí kupîuya pepîn tîise amenan pe uyeseru ton yapísîuya sîrîrí. Amenan pon wanî yeka'ma warantî uyeseru ton yapísîuya Cristo winîpai. ²⁸Mîrîrí wenai taa eserîke pra awanî uurî Judeu, Judeu pepîn yentainon taa pepîn. Taa pepîn nîrí uurî anî' poitîrí pepîn, to' poitîrí yentainon taa pepîn. Moropai taa pepîn uurî warayo', wîrî' yentainon taa eserîke pra awanî. Maasa pra Paapaya tamî'nawîronkon amîrî'nîkon era'ma, se' kaisarî Jesus Cristo yarakkîrí aako'mamîkon wenai. ²⁹Aasîrî amîrî'nîkon wanî Cristo pemonkono pe tîwe'sanon pe. Mîrîrí ye'nen amîrî'nîkon wanî nîrí Abraão nurî'tî payanî'san pe Cristo warantî. Mîrîrí ye'nen Abraão pí' Paapa nekaremekî'pí yapísîya'nîkon pe naatîi.

4 ¹Î' amîrî'nîkon pí' ankapai e'to' pí' tauya sîrîrí. Maasa era'matî. More pe tîise itun sa'manta yai, tamî'nawîrí temanne pe awanî, tîise itesa' pe aako'mamî eserîke pra awanî, more pe awanî ye'nen. ²More pe awanî tanne, tiaron pemonkonya ko'mannîpî e'pai awanî. Mîikîrí wanî more esa' pe. Moropai itemanne esa' pe awanî. Imaimu yawîrí more ko'mamî î' pensa kure'ne teenasa' pîkîrí, iku'to'peiya ta'pî itun nurî'tîya pîkîrí. ³Mîrîrí warantî nîrí anna Judeuyamî' wanî'pí, more wanî kaisarî, maasa Cristo yekare eta pra tîise. Mîrîrí yai ko'mannî'pî î' kai'ma pata yeseru yawîrí e'pîika'tînto'pe kai'ma. ⁴Tîise î' pensa Paapa munmu erepanto' weiyu eseporî'pí, eesenpo'pí

more pe wíri' yai. Moropai mîikîrî ko'mamî'pî Moisés nurî'tîya yenupanto' yawîrî. ⁵Mîrîrî yawîrî aako'mamî'pî maasa pra uurî'nîkon mo'kapa kai'ma mîrîrî Moisésya yenupanto' rî'pî winîpai. Mîrîrî yawîrî pra e'nî ye'nen e'taruma'tîn kupî tanne uurî'nîkon mo'ka'pîiya. Moropai uye'ma'pîiya'nîkon tîisa'manta ke, Paapa munkî pe uurî'nîkon enato'pe.

⁶Uurî'nîkon wanî tarîpai Paapa munkîyamî' pe. Mîrîrî ye'nen uyewankon ya' Paapaya Morî Yekaton Wannî yarima'pî. Mîikîrî wanî inmu yekaton pe. Mîikîrîya taa —Paapa, uyun —taiya. Mîrîrî wenai uyunkon pe Paapa wanî epu'tî. ⁷Moriya amîrî'nîkon wanî pepîn ipoitîrî pe. Tîise inmukuyamî' pe pu'kuru awanîkon. Moropai inmukuyamî' pe awanîkon ye'nen, Paapaya tamî'nawîronkon tînmukuyamî' pia temanne tîrî aapia'nîkon.

**Paulo Esewankono'ma
Galácia Po Tîiko'mansenon Pî'**

⁸Pena amîrî'nîkonya Paapa epu'tî pra awanî yai, mia' ke ikonekasa' yapurî'pîya'nîkon. Ipoitîrî warantî aako'mamî'pîkon tîise Paapa pe pra tîise. ⁹Tîise tarîpai amîrî'nîkonya Paapa epu'sa' man. Taapai'nîkon man Paapaya amîrî'nîkon epu'sa' man. Tîise î' wani' awanî ye'nen tiaron poitîrî pe awe'to'pe enna'popai awanîkon? Moisés nurî'tîya yenupanto' yawîrî awanîkon ya, awe'pîika'tîkon kai'ma eesenumenkakon? Awe'pîika'tîkon pepîn. ¹⁰Î' ton pe taaya'nîkon, ipîkku pe iweiyu ton tîmo'kapîse? Judeuyamî' yeseru yawîrî e'pai naatî? Kapoi era'tî pe yapurî moropai kono' mo'ta yai yapurî, amenan kono' ewomî yai yapurî taaya'nîkon, î' pe pra rî tîise? ¹¹Mararî pra apî'nîkon esewankono'man pî' wai. Teuren kure'ne akore'ta'nîkon uuko'mamî'pî esenyaka'ma pî' itekare ekaremekî pî' mîrîrî yawîrî pra awanîkon sîrîrî. Mîrîrî ye'nen aapia'nîkon î' pe pra rî mîrîrî unekaremekî'pî wanî sîrîrî.

¹²Uyonpayamî', esatîuya sîrîrî apî'nîkon î' kai'ma uurî wanî warantî, Moisés nurî'tîya yenupanto' yawîrî pra awanîkon yu'se wai. Inna seru' pepîn uurî ena'pî amîrî'nîkon warantî mîrîrî Moisésya yenupanto' rî'pî yawîrî pra. Mîrîrî yai î' kai'ma imakui'pî pe uwinîkîi eeseurîmasa'kon pra naatîi. ¹³Manni' yai Jesus Cristo yekare ekareme'se akore'ta'nîkon erepamî'pî e'mai' pe, pri'ya pra wanî ye'nen. ¹⁴Tîise mîrîrî wenai uyewanmarîya'nîkon pra awanî'pîkon. Uyu'se awanîkon pîn, pri'ya pra esepu'tî tanne. Tîise uyapisî'pîya'nîkon awakîrîkon pe manni' Paapa narima'pî inserî yapisîya'nîkon warantî moropai Jesus Cristo erepamî akore'ta'nîkon yapisîya'nîkon warantî pu'kuru uyapisîya'nîkon. ¹⁵Amîrî'nîkon wanî'pî kure'ne taatausinpai. Mîrîrî yai tîise î' kai'ma eenasa'kon mîrîrî? Tauya apî'nîkon kure'ne aatausinpapîkon î' antîpai awanî'pîkon uupia mararî pra kure'ne ayenukon rî tîmo'kai antîpai awanî'pîkon uupia. ¹⁶Mîrîrî warantî awanîkon tîpo, ayeyatonkon pe enasa' sîrîrî moriya. Maasa pra yairî eseurîma ye'nen, uyu'se pra eenasa'kon mîrîrî?

¹⁷A'kî, insamoro warayo'kon wanî kure'ne amîrî'nîkon winîkîi tîise inkamoro esenumenkato' wanî morî pe pra. To' esenumenka amîrî'nîkon

pantaka yu'se inî'rî upiînamaya'nîkon namai. Upiînamaya'nîkon yentai tîpiînamakonpa apantakon to'ya. ¹⁸Inna, seru' pepîn kure'ne amîrî'nîkon winîkî to' esenumenka ya, morî kupîkonpa, î' wani' pra man. Mîrîrî warantî uurî esenumenka, ayarakkîrî'nîkon neken uurî wanî yai pra, tîise o'non pata aminke wanî tanne. ¹⁹Uyonpayamî', unsa'namakon, kure'ne apî'nîkon esenumenka, un mukuyamî' warantî awanîkon ye'nen. Uurî wanî asankon warantî. Manni' wîrî', more yanya tîmoron epu'tî tînre yenpoto' tîuya weiyu yai warantî umoron epu'tîuya awenai'nîkon. Maasa pra kure'ne itu'se wanî amîrî'nîkon ena Cristo warantî iteseru warantî aako'mamîkonpa. ²⁰Kure'ne esenumenkan pî' wai akore'ta'nîkon e'pai wanî pî' ayarakkîrî'nîkon eseurîmato'pe, uurî pe pu'kuru, kure'ne apî'nîkon teesewankono'mai uuko'mamî wenai.

Agar Moropai Sara Yekare Pî' Eeseurîma'pî Uurî'nîkon Yenupato'pe

²¹Amîrî'nîkon manni'kan Moisésya yenupanto' rî'pî yawîrî e'pai'nîkon. Maasa ka'tî upî'. Etasa'ya'nîkon pra naatî, î' kai'ma Moisés nurî'tîya yenupanto' yekare? ²²Mîrîrîya ta'pî pena Abraão nurî'tî munkîyamî' wanî'pî asakî'ne warayo'kon. Tiwinan wanî'pî ipoitîrîpa' Agar more pe. Moropai tiaron wanî'pî ino'pî pu'kuru Sara more pe, ipoitîrîpa' pepîn. ²³Mîîkîrî ipoitîrîpa' more esenpo'pî î' kai'ma pemonkon esenpo warantî, tiaron pe pra. Tîise ipoitîrîpa' pepîn ino'pî more esenpo'pî î' kai'ma kupî tîuya ta'pî Paapaya yawîrî.

²⁴Mîrîrî to' yekarekon wanî yenupanto'pe. Inkamoro asakî'nân wîri'sanyamî' yekare wanî î' kai'ma Paapa esetato'pe pemonkonyamî' yarakkîrî. Tiwin wanî manni' wî' po Moisés nurî'tî pia tîmaimu rumakaiya ekareme'nen pe, mîîkîrî Agar wanî. Mîrîrî Moisés nurî'tîya yenupanto' yawîrî tîiko'mansenon pe wanî to' poitîrîtonon warantî. ²⁵Manni' wî', Sinai itese' wanî Arâbia pata po tîwe'sen pe. Mîrîrî yekare ekareme'nen pe Agar wanî. Moropai manni'kan Jerusalém po tîiko'mansenon, Judeuyamî' ko'mamî mîrîrî yawîrî to' poitîrîkon warantî. ²⁶Tîise manni'kan Cristo pemonkonoyamî' wanî Moisésya yenupanto' rî'pî yawîrî tîwe'sanon pe pra, to' poitîrî pe pra. Inkamoro ko'manto' wanî ka' po, tarîron Jerusalém yentai tîwe'sen. Mîrîrî amenan Jerusalém wanî usankon pe. Mîrîrî ekareme'nen pe Sara, Abraão no'pî rî'pî wanî, maasa pra ipoitîrîpa' pra tîwanî ye'nen. ²⁷Maasa pra Paapa maimu e'menukasalya taasa' man:

Amîrî wîrî', manni' î' pensa more yenpotîpon pepîn taatausinpai e'kî.

Amîrî î' pensa more morontasa' epu'tîtîpon pepîn.

Mararî pra entaimepî'kî aatausinpasa' wenai.

Maasa pra manni' wîrî', inyo nîrumaka'pî,

mîîkîrî payanî'san wanî kupî sîrîrî mararî pra,

manni' tînyo yarakkîrî tîiko'mansen payanî'san yentai

taasai'ya man.

²⁸Tarîpai uyonpayamî', amîrî'nîkon wanî manni' Abraão munmu, Isaque warantî. Maasa pra eesenpo'pî Paapa maimuya taasa' yawîrî. Mîrîrî warantî nîrî amîrî'nîkon wanî Paapa munkîyamî' pe, innape imaimu kupîya'nîkon ye'nen. ²⁹Isaque esenpo'pî Morî Yekaton Wannî wenai tîise Ismael esenpo'pî tîyun wenai. Mîrîrî pîkînsa' takon taruma'tî pia'tî'pî Ismaelya. Mîrîrî warantî Moisésya yenupanto' rî'pî yawîrî tîwe'sanonya Cristo pemonkono pe tîwe'sanon taruma'tî sîrîrî. ³⁰Tîise î' kai'ma Paapa maimu e'menukasa'ya nai? Taasai'ya man see warantî:

—Tîwî ano'pî poitîrîpa' yarimakî attîto'pe tîre yarakkîrî.

Maasa pra mîkîrî poitîrîpa' moreya tîyun winîpai intîrî yapisî eserîke pra man manni' ipoitîrîpa' pepîn ano'pî pu'kuru moreya intîrî yapisî manni' warantî

Gn 21.10

—ta'pî Paapaya Abraão pî' pena. ³¹Mîrîrî ye'nen uyonpayamî', uurî'nîkon wanî pepîn tiwin kin manni' ipoitîrîpa' munkîyamî' warantî tîwe'sanon pe. Tîise manni' ipoitîrîpa' pepîn, ino'pî pu'kuru munkî warantî e'nî.

Moisés Yenupanto' Rî'pî Yawîronkon Maimu

Tetai Pra E'tî

5 ¹Cristoya uurî'nîkon mo'ka'pî penaro' uyesserukon winîpai inî'rî mîrîrî yawîrî eseka'nunkan yuwa namai. Maasa pra pena mîrîrî warantî e'nî'pî yairon pe e'nîto'pe teuren. Tîise Cristoya neken ukupîkon yairon pe. Mîrîrî ye'nen sa'me e'tî, inî'rî penaro' ayesserukon yawîrî awanîkonpa tîwenna'poi pra e'tî.

²Maasa etatî. Yairon pî' uurî Paulo eseurîma sîrîrî see warantî. Amîrî'nîkon eturumaka ya, amerekon pi'pî pottî ya'tî pî' yairon pe eenakonpa Paapa pia, Judeuyamî'ya ikupî warantî. Mîrîrî kupîya'nîkon wenai, morî pe Cristoya akupîkon pepîn. Mîrîrî yawîrî aako'mamîkon ya, Cristo nîkupî'pî wanî e'painon î' pe pra rî aapia'nîkon. ³Inî'rî ankapai wai mîrîrî rî apî'nîkon. Mîrîrî ye'ka ku'nen pemonkon wanî ya, moriya mîikîrîya tamî'nawîrî mîrîrî Moisés nurî'tîya yenupato' yawîrî ikupî ko'mannîpî e'pai awanî tîwa'kai pra. ⁴Inkamoro esenumenka mîrîrî ku'sa' tîuya'nîkon wenai Paapaya uyapisîkon kai'ma to' esenumenka, maasa pra Moisés nurî'tîya yenupanto' yawîrî tîwanîkon ye'nen, tîise inkamoro atarimasa' mîrîrî mîikîrî Cristo morî pe ku'to' ton piapai, mîrîrî epe'mîra Paapa nîrîrî anapi'pai pra tîwanîkon wenai. ⁵Tîise uurî'nîkonya inîmîkî î' kai'ma Paapaya uurî'nîkon yapisî, yairon pe uku'sai'ya'nîkon ye'nen. Uurî'nîkon yapisîiya, epu'tî emapu'tî Morî Yekaton Wannîya. Mîrîrî pîkînsa', moropai innape iku'to' wenai, Moisésya yenupanto' rî'pî kupî wenai pra, uurî'nîkon yapisîiya morî pe. ⁶Mîrîrî warantî Cristo yarakkîrî uurî'nîkon wanî tiaronkon yentai e'ku'nî

pí' pra. Mírírí ye'nen mírírí amerekon pi'pí pottí ya'tító' waní í' pe pra, tíise e'sa'namanto', moropai innape Cristo ku'to' wenai uurí'níkon e'píika'tín.

⁷A'kí uyonpayamí', pena amírí'níkonya Cristo níkupí'pí kupí'pí innape, moropai mírírí kupí pí' aako'manpítí'pí, awe'píika'tí'píkon. Tíise aní'ya mírírí kupíya'níkon pra awaní emapu'tí'pí, yairon yawírí aako'mamíkon namai? ⁸O'non ye'ka pe amírí'níkon yeka'nunka'píiya tíwí ikupíkonpa? Mírírí kupítípono'pí waní amírí'níkon yarakkírí Paapa pe pra, manni' amírí'níkon yannotípon pe pra. ⁹Taa to'ya manni' warantí: —Mararon kísere'na yai'meto' ke yai'mesa' ya, tamí'nawírí mírírí kísere'na yai'mesai'ya waní —taa to'ya. Mírírí warantí tamí'nawírí amírí'níkon esenku'tí eseríke awaní seru'ye'kon pí'. ¹⁰Tíise uyonpayamí', mírírí ye'ka kupí pí' aako'mamíkon eseríke pra akupíkon pí' wai. Tíise í' kai'ma yairí eesenumenkato'kon ton erepamí kupí pí' wai yairí. Maasa pra Cristo yarakkírí e'ní ye'nen. Moropai manni' pemonkon, mírírí ye'ka kupíya'níkon emapu'títípon, míkírí ye'ka taruma'tí Paapaya eseríke awaní epu'tí pí' wai. Mírírí kupíya aní' pe awaní tepu'se pra.

¹¹Uyonpayamí', tiaronkon esenumenka amerekon pi'pí pottí ya'tí ekaremekí pí' uuko'mamí kai'ma. Tíise e'píika'tínto'pe mírírí Judeuyamí' yeseru ekaremekíyua ya, Judeuyamí' ekore'ma pepín e'painon, eseurímato' pí'. Tíise Cristo sa'mantato' yekare ekaremekíyua ye'nen, Judeuyamí' ekore'ma mírírí pí'. ¹²Moropai í' kai'ma inkamoro ye'ka pemonkonyamí'ya Judeuyamí' yeseru ya' amerekon pi'pí pottí ya'tí yu'se to' waní ya, uurí pia ipi'pí neken ya'tí to'ya e'pai pra awaní, tíise tamí'nawírí tímerekon ya'tí to'ya to' esemuka e'pai awaní tiwin ite'ka.

¹³Amírí'níkon yanno'pí Paapaya uyonpayamí', Moisés nurí'tíya yenupanto' yawírí eeseka'nunkakon namai. Tíise mírírí ye'ka winípai eemo'kasa'kon pí' ke'wapu'títí penaron ayaserukon rí'pí maimu pe. Tíise mírírí warantí pra eetí'nínmakon e'pai man. Mírírí wenai tiaronkon píika'títí. ¹⁴Maasa pra tamí'nawíron Moisés nurí'tíya yenupanto' waní tiwin. Ta'píiya see warantí:

—Awaníyakon sa'namakí aawarírí awe'sa'nama manni' warantí

Lv 19.18

—ta'píiya. ¹⁵Tíise eesiyu'pítíkon pí' aako'mamíkon ya, morí pe Cristo yarakkírí aako'mamíkon pepín. Mírírí ye'nen aka, tíwarí e'tí mírírí warantí aako'mamíkon namai.

Morí Yekaton Wanní Nama Taríron Ka'rí Uyeserukon Yawírí Ko'manní

¹⁶Í' ankapai e'to' mírírí pí' tauya sírírí. Tíwí Paapa winípainon Morí Yekaton Wanníya amírí'níkon pinunpa o'non poro itu'se tíwaní píkírí. Mírírí kupí míkíríya tanne, tarí itu'se awe'to'kon maimu yawírí pra awaníkon. ¹⁷Maasa pra tarí itu'se e'níto' uyeserukon waní Paapa winípainon Morí Yekaton Wanní yewanma pe, moropai itu'se Morí

Yekaton Wanní e'to' waní uurí'níkon yewanma pe. Mírírí ye'nen inkamoro waní sa'nírí eseyaton pí'. Mírírí pikínsa' amírí'níkonya itu'se awe'to'kon kupí eseríke pra man. ¹⁸Tíise Morí Yekaton Wanní maimu yawírí awaníkon ya, tiwin kin Moisésya yenupanto' rí'pí yawírí pra awaníkon.

¹⁹A'kí, maasa era'matí. Imakui'pí tesorukon yawírí tíwe'sanon yeseru waní teesera'mai. To' yeseru waní se' tapairí tíwe'sanon pe wírí'sanyamí' yarakkírí. Se' tapairí wírí'sanyamí' waní warayo'kon yarakkírí. Nura kupí to'ya, to' epepí pepín. ²⁰Moropai mia' ke ikonekasa' yapurínenan pe to' waní. Moropai pia'sanyamí' yapurínenan pe to' waní. Mírírí kupí tíuya'níkon wenai pemonkon yeyaton pe to' waní. Teepísanon pe to' waní. Teekore'masanon pe to' waní. Moropai tíkinmuwasenon pe to' waní. Moropai tu'ke í' yu'se tíwe'sanon pe to' waní. Inkamoro ye'kakon waní tíwe'pantakakon tíwarírí'níkon tiaronkon yarakkírí. ²¹Inkamoro waní í' kai'ma tiaron yemanne yu'se tíwe'sanon pe. Teetínsenon pe to' waní. Teesiyu'pí'sanon pe to' waní. To' ko'mamí mararí pra mírírí ye'kakon imakui'pí kupí pí'. Mírírí ye'nen tauya iní'rí pena ta'piuya warantí. Mírírí ye'kakon ku'nenan esa' pe Paapa waní pepín. Inkamoro wítí eseríke pra awaní Paapa pia. Ipatíkarí yarakkírí to' ko'mamí pepín.

²²Tíise Morí Yekaton Wanní maimu yawírí e'ní'níkon ya, e'ní see warantí: e'sa'naman, atausinpan, tíwanmíra e'ní, teekore'masen pe pra e'ní, nari' pe pra e'ní, morí pe e'ní yairí í' ta'pí yawírí e'ní, ²³míí pe tíwe'sen pe pra e'ní, uuwarírí'níkon waní teetí'nínmasen pe e'ní. Mírírí warantí morí pe e'ní ya, aní'kanya yenupanto' puremekí pepín. ²⁴Manni'kan Jesus Cristo yapisítíponkonya penaro' imakui'pí tesorukon rumaka'pí. Maasa pra pakí'nan pona Cristo sa'manta'pí wenai, morí pe uurí'níkon kupípa. Mírírí ye'nen iní' imakui'pí anku'pai pra enaní'pí. ²⁵Morí Yekaton Wanníya upíika'tísa'kon ye'nen imaimu yawírí ko'manní yuwapai'níkon. Tíwí mííkírí esenyaka'ma ko'manníto' ya' tíipai'níkon. ²⁶Uurí'níkon atapurí eseríke pra man tiaron uyonpakon yentai ipíkku pe e'ní pí'. Aní' ekore'ma eseríke pra man mírírí warantí. Tiaron warantí ipíkku pe e'pai e'ní pí' o'ma'tan eseríke pra man. Mírírí warantí ikupí pí' ko'manní e'pai'níkon pra man.

Awe'píika'tíkon Yuwatí

6 ¹Uyonpayamí', aní'ya amírí'níkon kore'ta imakui'pí kupí eposa' ya, manni' Morí Yekaton Wanní maimu yawírí tíwe'senya mííkírí píika'tí e'pai awaní, inkupí'pí wenai. Imakui'pí pe tínkupí'pí waní epu'to'peiya moropai irumakato'peiya. Tíise mírírí kupíiya e'pai awaní míí pe tíwe'se pra, tíise morí pe. Moropai tíwarí si'ma ikupíiya e'pai awaní, imakui'pí ya' nírí teena namai. ²Awe'píika'tíkon yuwatí ayonpakon pokonpe. To' meruntíannípi yuwatí to' atausinpató'pe. Moropai mírírí warantí ikupí pí' aako'mamíkon ya, Cristoya ta'pí yawírí ikupíya'níkon mírírí. Maasa

pra ta'píiya: —Ayonpakon sa'namatî, tîwî tîku'se pra. 3 Anî' esenumenka ya, tîwîwarîrî ipîkku pe tîwanî pî', ipîkku pe pra si'ma, mîîkîrî esenku'tîsa' sa'ne mîrîrî tîwîwarîrî. 4 Mîrîrî ye'nen tiwin pî' si'ma warîrî wanî esera'man e'pai awanî. Î' rî ku'sa', morî ku'sa' imakui'pî ku'sa' era'mapai man. Morî ku'sa' epu'tî ya, moriya mîrîrî pî' atapurîn. Morî pe tiaron yeseru wenai iwarantî atapurîn eserîke pra man. 5 Maasa pra tiwin pî' si'ma uyeserukon unkupî'pîkon esera'ma kupî sîrîrî. Mîrîrî ye'nen Cristo pia erepannîsa' ya, uurî'nîkonya rî unkupî'pîkon ku'sa' ekaremekî kupî sîrîrî ipî'.

6 Amîrî'nîkon kore'ta Cristo yekare pî' ayenupanenkon wanî ya, mîîkîrî pîika'tîya'nîkon yuwatî, tamî'nawîrî itu'se awe'to' pî' morî pe. Itekkari ton pî' ito' ton ke, ipata'se' ton ke, mîrîrîkon ke ipîika'tîya'nîkon yuwatî.

7 Tauya sîrîrî see warantî. Paapa yenku'tîya'nîkon kai'ma kîsenku'tîtî, tamî'nawîrî Paapaya epu'tî tanne. Maasa era'matî. Warayo'ya tînmîri pîmî ya, mîrîrî inpîmî'pî aro'ta moropai eepeta. Mîrîrî tînpîmî'pî mo'kaiya. Tiaron pe eepetasa' pra awanî. 8 Mîrîrî warantî nîrî anî'ya morî ku'sa' ya, Morî Yekaton Wannî atausinpató' yawîrî morî eporîiya Morî Yekaton Wannî winîpai, ipatîkarî tîîko'manto' ton. Tîise anî'ya imakui'pî ku'sa' ya, itu'se teesenumenka yawîrî, mîîkîrîya imakui'pî yepe' pe e'taruma'tînto' eporî, aasa'manta ipatîkarî. 9 Mîrîrî ye'nen morî kupî pî' ko'mannî teeseta'kai pra. Tîwîrî ikupî pî' e'nîpai man, maasa pra î' pensa yapîsî weiyu erepamî yai, yapî'to'pe'nîkon. 10 Mîrîrî ye'nen tîwîrî ikupî eserîkan wanî ya, morî ku'pai'nîkon man tamî'nawîronkon yarakkîrî. Tîise ikupî ya, manni'kan uyonpakon innape Jesus Cristo kupîtîponkon pîika'tî yuwapai man, maasa pra inkamoro wanî ye'nen uyonpakon pe. Moropai innape iku'nenan pepîn nîrî pîika'tîtî.

Paulo Esekaremekî

Moropai Tiwinkano'pî Pe Panamaiya

11 Uurîya sîrîrî kaareta menuka sîrîrî uyenya ke pu'kuru aapia'nîkon. Maasa era'matî î' kai'ma inonkon pe imenukasau'ya.

12 Tarîpai tauya sîrîrî apî'nîkon insamoro ayenupanenkon pî'. Inkamoro wanî ipîkku pe tîwe'ku'sanon pe. —Amerekon pi'pî pottî ya'tîtî, —taa pî' to' ko'mamî teeseka'nunkai. Mîrîrî kupîya'nîkon yu'se to' wanî tîpî'nîkon Judeuyamî' o'ma'ta namai. Maasa pra Cristo sa'mantato' yekare neken ekaremekî to'ya ya, Judeuyamî'ya to' taruma'tî e'painon. 13 Tîise mîrîrî warantî amîrî'nîkon ena yu'se tîwe'sananya tamî'nawîrî Moisés nurî'tîya yenupanto' kupî pepîn. Tîise tîmaimukon pe mîrîrî ku'sa'ya'nîkon wenai atapurîpai to' wanî. Taa to'ya: —Anna maimu pe iku'sa' to'ya —taa to'ya. Mîrîrî kupîya'nîkon yu'se to' wanî, poro po neken teesera'masen ton apî'pîkon pî'. 14 Tîise uurî wanî pepîn inkamoro warantî. Jesus Cristo sa'mantato' neken ku'nen pe wanî innape. Maasa pra Jesus sa'manta'pî wenai uurî nîrî, uusa'manta'pî iwarantî. Mîrîrî ye'nen Paapa yapurînenan pepîn warantî e'pai

pra wai. Moropai mîrîrî wenai tîpia'nîkon uurî yu'se pra to' wanî, Cristo warantî wanî ye'nen. ¹⁵Î' wani' awanî pepîn Paapa pia, mîrîrî warantî e'nî ya, Judeuyamî' yeseru ya' e'nî tanne, to' yeseru ya' pra e'nî tanne. Tîise Paapa wanî pemonkon yeseru miakanmapai amenan pe awe'to'pe. ¹⁶Moropai tamî'nawîronkon manni'kan sîrîrî yawîrî yapurînenan wanî ya, inkamoro pia tîwanmîn moropai tî'noko'manto' wanî mîrîrî. Tamî'nawîronkon Paapa pemonkonyamî', innape yapurînenan pia Paapaya itîrî yu'se wanî.

¹⁷Mîrîrî ye'nen anî'ya taa: —Cristo naipontî'pî pepîn amîrî, yu'se pra wai. Maasa pra sîrîrî uyesa'ya ekaremekî sîrîrî î' kai'ma erekî' pe wanî. Mîrîrîya Jesus Cristo wanîyakon pe wanî ekaremekî sîrîrî, uyera'manenanya uyera'mato'pe.

¹⁸Uyonpayamî', morî epe'mîn tîrî Uyepotorîkon Jesus Cristoya yu'se wai tamî'nawîronkon amîrî'nîkon pia. Moropai ayarakkîrî'nîkon aako'mamî yu'se wai. Mîrîrî warantî e'pai man. Mîrîrî neken.